

## নাবী-রাসূলগণের প্রতি বিশ্বাস স্থাপন

আল্লাহ্ তা'আলা মানব জাতীকে সঠিক পথ প্রদর্শনের জন্য যুগে যুগে সে সকল প্রিয় বান্দাদেরকে নির্বাচন করে প্রেরণ করেছেন তাঁদেরকে নাবী-রাসূল বলা হয়।

তাঁরা সকলেই আল্লাহ্ তাওহীদ বা একত্ববাদের প্রতি আহ্বান করেছেন এবং এক আল্লাহ্ সাথে শরীক করা ও তাঁর নাফারমানী করা হতে বিরত থাকতে আদেশ করেছেন।

আমরা সকল নাবী-রাসূলগণের প্রতি বিশ্বাস স্থাপন করব। তবে জীবনের সকল ক্ষেত্রে আমাদের নাবী মুহাম্মাদ সাঃ এর অনুসরণ করে জীবন পরিচালনা করব।

### আদম (আলাইহিস সালাম)

বিশ্ব ইতিহাসে প্রথম মানুষ ও প্রথম নাবী আদম আলাইহিস সালাম কে আল্লাহ্ তা'আলা নিজ হাতে সৃষ্টি করেছেন। অতঃপর আদমের বাম পাজড় থেকে তাঁর সহধর্মিণী হাওয়াকে সৃষ্টি করেন।

**আদম সৃষ্টির ইতিকথা:** আল্লাহ্ তা'আলা একদা ফেরেশতাদেরকে ডেকে বললেন আমি পৃথিবীতে খলিফাহ্ বা প্রতিনিধি সৃষ্টি করতে চাই। তাঁরা বললঃ হে আল্লাহ্ ! আপনি কি পৃথিবীতে এমন কাউকে সৃষ্টি করতে চান, যারা সেখানে গিয়ে ফাসাদ বা ঝগড়া-বিবাদ সৃষ্টি করবে ও রক্তপাত ঘটাবে। অথচ আমরা সর্বদা আপনার হুকুম পালনে এবং আপনার গুণগান ও পবিত্রতা বর্ণনায় রত আছি। অতঃপর আল্লাহ্ তা'আলা বললেনঃ “আমি যা জানি তোমরা তা জানো না”।

তারপর তিনি আদম আলাইহিস সালাম কে সৃষ্টি করে বিভিন্ন বিষয়ের জ্ঞান শিক্ষা দিয়ে ফেরেশতাদের উপর মর্যাদাশীল করলেন। এরপর ফেরেশতাদেরকে আদেশ দিলেন আদমকে সাজদাহ করার জন্য, আল্লাহ্ নির্দেশ মোতাবেক সকল ফেরেশতা সাজদাহ করল। কিন্তু ইবলীস দাস্তিকতাবশতঃ অবাধ্য হয়ে সাজদাহ করল না, ফলে সে আল্লাহ্ রহমত হতে চিরদিনের জন্য বিতাড়িত হল। এরপর আল্লাহ্ তা'আলা আদম ও তাঁর স্ত্রী হাওয়াকে জান্নাতে বসবাস করতে দিলেন। কিন্তু আদম ও হাওয়া আলাইহিস সালাম ইবলীস শয়তানের প্ররোচনায় পড়ে আল্লাহ্ নির্ধিক কর্মে লিপ্ত হওয়ায় প্রবর্তিতে জান্নাত থেকে দুনিয়াতে প্রেরিত হলেন। (সূরা আল বাকারাহ-৩০-৩৬)

### আদম আলাইহিস সালাম এর কতিপয় শ্রেষ্ঠত্বঃ

- ❖ আল্লাহ্ তা'আলা তাকে নিজ হাতে সৃষ্টি করেছেন।
- ❖ আল্লাহ্ তা'আলা নিজ হাতে তাঁর মধ্যে রূহ ফুৎকার করেছেন।
- ❖ আল্লাহ্ তা'আলা তাকে সকল বস্তুর নাম শিক্ষা দিয়েছেন।
- ❖ তাকে সাজদাহ করার জন্য ফেরেশতাদেরকে নির্দেশ দিয়েছেন।
- ❖ আদম আলাইহিস সালাম সকল মানুষের পিতা।

**বয়স ও মৃত্যুঃ** রাসূলুল্লাহ সাঃ বলেছেন, তোমাদের দিনগুলোর মধ্যে সর্বাপেক্ষা উত্তম দিন হলো জুমু'আর দিন এ দিনেই আদম আলাইহিস সালাম কে সৃষ্টি করা হয়েছে, এ দিনেই তাঁর মৃত্যু হয়েছে এবং দিনেই কিয়ামত সংঘটিত হবে। আদম আলাইহিস সালাম ৯৬০ বছর জীবিত ছিলেন।